

شعارات الجزء السادس | الحلقة (60) | #إني_أنست_نوراً |

الموسم 10 | د. حازم شومان

حازم شومان

السلام عليكم ورحمة الله وبركاته. اخواني واحبابي في الله مع الشعارات القرآنية من الجزء السادس. مع بصمات القرآن النورانية على قلبك وقلبك في الجزء السادس. يلا تعالوا بقى نعيش مع بعض الشعارات القرآنية كده ونتعلم مع بعض. ازاى كل ما نقرأ القرآن نخرج بشعارات. كل ما نسمع القرآن - [00:00:17](#)

نخرج بشعارات تنور لنا حياتنا وتبقى فعلاً اصحاب للقرآن في الحياة. القرآن معنا قايمين نايمين في كل موقف نفتكر من القرآن تخلينا نعمل مراد ربنا في الموقف ده. الشعار الاولاني اولئك هم الكافرون حقاً. يا ترى ربنا بيتكلم عن مين؟ شوفوا ربنا - [00:00:37](#)
جمع كل انواع الكفر في اية قال ايه؟ ان الذين يكفرون بالله ورسله، ده الملحد اللي هو لا فيه ربنا موجود ولا فيه رسل. ويريدون ان يفرقوا بين الله - [00:00:57](#)

ورسله ده الربوبي اللي بيقول لك فيه ربنا وربنا عزيز بس ما فيش حاجة اسمها رسل ما فيش حاجة اسمها شريعة. ربنا ما يحكمينش في حياتي. ربنا زي ملكة بريطانيا يملك ولا يحكم. ربوبي. الثالث ويقولون تؤمن ببعض ونكفر ببعض. اه هو - [00:01:07](#)
سيدنا موسى صح اليهودية انما سيدنا عيسى مش نبي اه سيدنا عيسى صح. انما سيدنا محمد مش نبي. بيؤمن بدين ويسيب دين ويريدون ان يتخذوا بين ذلك سبيل كل الاديان جميلة. الاسلام والمسيحية واليهودية والبوذية وانا قلبي بقى معبد للحب - [00:01:22](#)

والاديان كلها بتدعو للحب. وياللا نعمل بقى تلفيق او توفيق ما بين الاديان وبعض. شوفوا الاربعة انواع اولئك هم الكافرون حقاً الربوبي بالملحد بالتلفيق اللي عايز يجمع ما بين الاديان كلها ويقول ان كله حلو وكله جميل. واعبد ربنا باي طريقة. باللي اتبع دين وكفر بباقي - [00:01:42](#)

اديان مش زي المسلم اللي مؤمن بجماعة امبيالة. اولئك هم الكافرون حقاً. ده الدين. دي العقيدة. اولئك هم الكافرون حق شعار بيقول لك ان لازم تؤمن بالعقيدة كلها العقيدة مادة ما ينفعش تجيبي فيها تسعة وتسعين في المية فتدخلي كلية طب. العقيدة لو ما فيش مية في المية الانسان يسقط زي الاخلاص. لو انا عملت لو انا باكلكم الوقتي تسعة - [00:02:02](#)
تسعة وتسعين في المية عشان ربنا وواحد في المية عشان الشهرة والعياذ بالله يبقى الواحد اول من تسعر به بالنار يوم القيامة والعياذ بالله فيه امتحانات ما ينفعش انك تجيبي فيها - [00:02:22](#)

غير مية في المية من ضمنها امتحان العقيدة. لازم تدرسوا عقيدة يا شباب. لازم تذاكر كتاب عقيدة. لازم تشوفي حد شرح العقيدة وتسمعها ها لان العقيدة لا تحتل ده يا اما جنة يا اما نار بسبب خدش صغير في القلب. او في المخ الانسان بيموت. جرح اربعين غرزة - [00:02:32](#)

الرجل بيروح يتخيظ ويروح بيته وينام مع مراته وعياله. لان الرجل عادي تعدي ده معصية حتى لو كبيرة. انما خدش في القلب ده في العقيدة يقتل الانسان على طول. اي خلل في العقيدة بخدش في القلب. الشعار الثاني وما قتلوه يقينا. ربنا بيتكلم عن صلب عيسى - [00:02:52](#)

فمش بيقول وما قتلوه يقينا. هو ده المستوى اللي مطلوب في الدين. فان امنوا بمثل ما امنتم به. لازم ايمانك يكون زي ايمان

الصحابة. ما فيش حاجة اسمها ان ايه ربع ايمان نص ايمان تلت ايمان الايمان يزيد وينقص بس اقصد لازم يكون حقائق العقيدة

جواك يقين فرنا - [00:03:12](#)

لما طلب منك قال لك يقين هو ده اللي مطلوب. انك مش تبقى مصدق بس آآ شاكك ما ليش دعوة بخواطر الشكوك اللي بتيجي لكل

البنى ادمين. انا باتكلم في اللي شاكك بجد - [00:03:32](#)

انا بتكلم في اللي مش مصدق بجد فرنا قال قضية الصلب وما قتلوه يقينا اليقين من يقن الحوض بالماء. الماية استقرت الايمان جوة قلبك بقى قمة الاستقرار. ما فيش شبهة تقلبك. الشيطان ما يجيش عند الموت في فتنة الممات يشككك. والعياز بالله فيه ناس بتموت

كافرة عند الموت في فتنة - [00:03:42](#)

الممات ما فيش اسماء شبهة من الواحد ما يعرضش نفسه لسماع شبهات بس لو سمعت شبهة ما تتهزش يقينا لازم تحصل اليقين الطريق الى اليقين هو قراءة القرآن صح. اعظم حاجة من تجربة حياة الانسان. من اول ما كنت طالب في سنة تانية كلية وبدأت التزم

واقرا القرآن - [00:04:02](#)

اعظم سبب لليقين قراءة القرآن صح. حق تلاوته. الشعار التالت ورسلا لم نقصصهم عليك. الله ربنا بيقول للنبي ابراهيم واسماعيل واسحاق ويعقوب وداود. ففي الاخر بيقول له ورسلا لم نقصصهم عليك. في ناس كافحت زي ما الرسل دول كلهم كافحوا -

[00:04:22](#)

فيه ناس ضحت بحياتها وبروحها. فيه ناس اتقتلت وهي بتتكلم عن ربنا زي زكريا ويحيى ربنا ما اتكلمش عنه ولا فيه مخلوق على

وجه الارض يعرفه مش لازم تشتغلي والناس تعرف ايه - [00:04:42](#)

مش لازم تاخذ جايزتك شهرة بل بالعكس ده الانسان اللي ما حدش عارف عن اعماله الصالحة حاجة ده سوابه مشفي ثوابه خالص

مخلص. لا يضرهم ان عمر لا يعرفهم. لا يعلمهم ولكن الله يعلمهم. لو عملت حاجة حلوة واتنسى بالفضل لغيرك - [00:04:54](#)

ما حدش عرف ان انت السبب افرح. لان ربنا عاين لك السواب كامل. خليك انسان متجرد. الشعار اللي بعد كده انما المسيح المسيح

انما المسيح عيسى ابن مريم رسول الله وكلمته القاها الى مريم وروح منه. وروح منه شعار رهيبي. المسيح يعني - [00:05:12](#)

اللي مسح الارض دعوة الى الله. اللي مسح الارض من زنوب كانت موجودة فيقول لك عملنا مسح شامل. سبناش حد سابش مخلوق

ما كلمهوش عن ربنا. عشان كده ربنا قال في سورة - [00:05:32](#)

النساء وان من اهل الكتاب الا ليؤمنن به قبل موته. يعني لما هينزل سيدنا عيسى البشرية كلها هتؤمن بالله في اخر الزمان

هيمسح الارض دعوة الى الله. تقدر تاخذ العزيمة دي. تقدر تاخذ عزيمة وروح من روح. العاجز الفاشل الفاتن اول ما يسمع كلامه -

[00:05:42](#)

ينبعس جواه رح معنوية جبارة دي رسالة الرسل والمفروض ان احنا نتبعهم في كده. كلامنا يبقى روح يحيي القلوب يحيي العزائم

يحيي الامل في الله وكلمته ليه المسيح بيقول المسيح الدجال؟ لان المسيح الدجال ده قمة المادية. وسيدنا عيسى كلمة الله فقتل

عيسى للمسيحين - [00:06:02](#)

الدجال وانتصار كلمة الله على المادية في اخطر صورها قل الله يفتيكم في الكلالة. اخر اية في النساء. هو ليه ربنا ختم سورة النساء

بالاية دي؟ يعني يعني ليه ما اتختمتش زي باقي السور كده؟ حاجة كده رقاقة كده - [00:06:22](#)

قل الله ليه اية الكلالة؟ الكلالة دي اللي مات وهو لا له فرع ولا اصل. لا له اب ولا ام ولا له ابن ولا بنت بالزبط سورة النساء بدأت بـ

منهما رجالا كثيرا ونساء. الدنيا قاعدة تزيد تزيد وتزيد وانتهت بالكلالة. اللي مات حتى كلالة كل. ما فيش حد - [00:06:37](#)

يخدمه. ما فيش حد بيحبه بجد اب او ابن يخدمه. كانه كل على الناس كأن هو ما فيش حد بجد حبيب له في الدنيا. بدأت بالدنيا

بتزيد وانتهت بالانسان وهو مات بلا اصل ولا فرع - [00:06:56](#)

والدنيا بتقل وبتضمحل هي دي النهاية. الذي خلق الموت والحياة. الموت قبل الحياة شعرات سورة المائدة بقى اوفوا بالعقود. دي

العلاقة اللي بينك وبين ربنا. زي وانت بتشتري شقة او انت بتأجري شقة وانت بتقضي عقد انت مضيت عقد في اربع - [00:07:12](#)

عقود بينك وبين الله سورة المائدة بتتكلم عنهم واحد عقد الحلال والحرام اللي هو التدين الشخصي ان انا باتبع الحلال والحرام في حياتي وفي بيتي اتنين عقد الحاكمية تدين المجتمع ان المجتمع يطبق حدود الله وشريعة الله. ثلاثة عقد الولاء والبراء. ان انا حبيب حبيبي حبيبي - 00:07:28

وحبيب عدوي وعدو حبيبي عدوي. حبيب حبيبي حبيبي انا ما فيش حاجة اسمها ان السياسة ان انا باحب كل الدول. لأ. انا باتعامل بمنظومة ديني ولاء وبراء. العقد الرابع عقد الامر بالمعروف والنهي عن المنكر. والدعوة الى الله. دي عقود في رقبتنا. احنا ماضيين لله. وميثاقه الذي وافقكم - 00:07:48

اذ قلت سمعنا واطعنا لازم نوفي بالعقود. لانك هتتحاسبي عليها في شروط جزائية. الشرط الجزائي للاربع عقود دول جهنم بالله. الشرط الجزائي للاربع عقود دول والعياذ بالله الالقاء في نار الله - 00:08:08

ولا يجرمكم شأن قوم. كلمة جبارة لا يعني لا يدفعك كراهية حد انك انت تزلمه. ولا يجرمكم شأن قوم اوعي مشاعرك تتحكم في دينك اوعي نفسيتك تتحكم في دينك. انا باكره فلان بس فلان مريض. رح زوره - 00:08:24

اكسر نفسك سامح ولا يجرمكم شأن قوم. اوعي مشاعرك هي اللي تقودك هتوديكي في داهية. اوعي نفسيتك هي اللي تقودك من دان نفسه دانت له البلاد يعني حاربها وقهرها. دانة نفسي احارب نفسيته لحد ما قهرها. وبقي هو اللي سايق نفسه مش نفسيته اللي سايقاه - 00:08:43

اوعي نفسيتك تجاه حماك. تجاه جارتك تجاه اللي ظلمك تجاه اللي كرهك. تجاه اللي ظلمك تدفعك انك تبقى انسان زالم بعد كده ما تعيش بنفسيك قال الله وقال رسول الله وتعاونوا على البر والتقوى. الله! وتعاونوا على دي الدين عالي يا جماعة! البر اعمال البر - 00:09:03

التقوى الدين عالي الدين ما فيش حد هيقدر يطبقه لوحده. عشان كده على لازم نخط ايدنا في ايد بعض عشان نقدر نطبق الدين الشعار اللي بعد كده تعلمونهن مما علمكم الله. تعلمونهن هو ربنا بيتكلم عن عن ستات فيقول او بيتكلم عن كائنات عاقلة - 00:09:23 ده ربنا بيتكلم عن الصقر والكلب الكائنات البهائم المعلمة اللي بتصطاد للانسان. امال ربنا اتكلم بضمير العقل ليه؟ مش تعلمونها تعلم طب ليه ضمير عاقل لانها اتعلمت العلم خلى البهائم لانها عرق اتعلمت ربنا اتكلم عنها بضمير العاقل. يبقى انت العلم هيعمل فيك ايه - 00:09:43

يبقى العلم هيوصلك لفين؟ ها ولقد اتينا داود وسليمان علما. وقال الحمد لله الذي فضلنا على كثير من عباده المؤمنين. كثير مؤمنين كثير صوامين قوامين. ولكن مين اللي ربنا ادى له العلم؟ التفضيل الحقيقي والحاجة اللي ربنا هيرفعك بها هي العلم. يا ايها الذين امنوا ها كونوا - 00:10:07

قوامين لله. قوام يعني ايه؟ واحد قاعد كده فاتقال له الحق ده في حرامي دخل بيتك ومراتك لوحدها وعايذ يعتدي على مراتك ويطلعك في شرفك ويقتلها ويأخذ فلوسك يقوم يوم ويجري هي دي القوم بقى القومة انك تسبب كل حاجة وتقوم القومة الناس - 00:10:27

بتقوم لو حد كل في قرصها. حد كل فلوسها. حد شتمها. حد اعتدى على شرفها. حد اغتصب مراته ولا بنته. فربنا بيقول نفس اللي انت بتعمله ده لو خدي على عرضك ومالك اعمله لو اعتدي على دين الله. كونوا قوامين لله يا مسلمين. خلي عندكم مواقف. ساعة ما الدين يتعرض لازمة. ساعة ما النبي يشتم عليه - 00:10:47

الصلاة والسلام. ساعة ما يحصل أزمة للامة قم قم عشان ربنا زي ما بتقوم عشان الفلوس كل يوم الساعة سبعة الصبح. زي ما بتقومي وتقلبي الدنيا عشان جوزك اتجوز عليك او بيخونك. زي ما بتقوم وتقلب الدنيا عشان مراتك. انت عايز تتأكد من سلوكها او زي ما بتقوم وتقلب الدنيا عشان واحد بيعتدي على - 00:11:07

مراتك او واحد بيعاكس بنتك زي ما بتقوم وتقلب الدنيا عشان واحد بياكل فلوسك. قم واقلب الدنيا عشان حد بيعتدي على دين الله. عشان دين ربنا محتاجك في المواقف والنوازل خليك راجل مواقف - 00:11:27

الشعار اللي بعد كده وجعلنا قلوبهم قاسية. قاسية زي الحجر. عكس لينة لينة يعني القلب اللين اللي بيتأسر بالوعظ. القاسي اللي زي الحجر ما بيتشكش ما بيتغيرش. صلب ما بيتأسرش. طب ايه اللي خلى قلوبهم قاسية؟ فيما نقدّمهم ميثاقهم لعناهم - [00:11:41](#) وجعلنا قلوبهم قاسية. ان في اوامر لله ما طبقوهاش. اكتر حاجة تفسد قلبك. انك تعرف ان دي ربنا بيحبها وما تعملهاش. وانك تعرفي ان دي بتغضب ربنا ربنا وتعملها خد بالك حافظ على قلبك - [00:12:01](#)

واشتغل في الدعوة اكتر حاجة هتخاف على قلبك انك تشتغل في الدعوة. فيما نقضيه ميثاقهم ما رضوش يشيلوا الدين. جعلنا قلوبهم قاسية القلوب قست الشعار النوراني. فاذا دخلتموه فانكم غالبون. اشعار فتح فلسطين. وشعار فتح كل باب مقفول في حياتك. فاذا دخلتموه. بيقولوا له مش داخليين فلسطين فيها - [00:12:15](#)

كباب رافال كنعانيين قال لهم فاذا دخلتموه فانكم غالبون. ما فيش جيش في التاريخ راح يحرر فلسطين الا وانتصر من الجولة الاولى. وربنا عمل له معجزات. اول الجيش هيطلع يحرر فلسطين هو الجيش اللي ربنا يفتح على ايده فلسطين. ده شعار لك في حياتك. اي باب مقفول قم خل عندك روح مبادرة. اتحرك وربنا - [00:12:36](#)

الابواب المقفولة فاذا دخلتموه. بس قم فانكم غالبون. فاذهب انت وربك فقاتلا لاسف يا جماعة ده شعار مسلمين كتير اوي دلوقتي. اذهب انت وربك فقاتلا. للبيت رب يحميه. انا ما لي بمشاكل الاسلام؟ انا ما لي ان المجتمع فاسد. انا مالي احارب المنكر - [00:12:56](#)

انا ما لي! اجاهد عشان شرع الله يرجع ليه! انا ما لي! اقف مع الدين في النوازل ليه؟ اذهب انت وربك فقاتلا. ناس كتير اوي بتقولها بلسانك حلو مش بلسان المقال اوعى تبقى منهم - [00:13:14](#)

الشعار اللي بعد كده ربي اني لا املك الا نفسي اغنى كلمة في كتاب الله لا املك الا نفسي. سيدنا موسى بيقول رجل الله. سيدنا موسى بيقول له ربنا لا املك الا نفسي. كلمة جبارة. عارف يعني ايه تملك نفسك؟ يعني انا هاصلي ساعتين قيام ليل الليلة. ابقي صل. انا هاختم المصحف - [00:13:27](#)

الجايبين يبقى هاختم انا هاقد ساعتين اقرا قرآن الوقتي. يبقى هاقد انا هاصوم اتنين وخميس السنة دي ان شاء الله لحد رمضان اللي بعده. يبقى اصوم تمكين في النفس مقام - [00:13:44](#)

تمكين في النفس اعلى مقام فتقبل من احدهما ولم يتقبل من الاخر الاتنين قدموا قربان بس ربنا قبلنا وما قبلش ده ايه اللي كان في قلبي ده عشان ربنا يقبله؟ - [00:13:54](#)

وايه اللي كان في قلبي ده عشان ربنا ما يقبلوش خد بالك مش كل الاعمال ربنا يقبلها مش كل الصلاة ربنا يقبلها مش كل الصالحات ربنا يقبلها خد بالك راقب قلبك وانت بتشتغل لربنا عشان ربنا يقبلك - [00:14:07](#)

فقتله فاصبح من الخاسرين. العلماء قالوا يعني ايه اصبحت من الخاسرين لما هابيل قتل قابيل؟ قالوا اصبحت خسر اخوه اكبر خسارة في حياتك انك اخوك اوعى تستغنى عن اخوك اوعى تستغنى عن اخوك. اوعي تحسي لانك اتشهري اوعي تحسي لانك اتشهري وبقيت داعي مشهور. اوعي تحس لانك انت بقيت مميز في مجالك وبقيت نمبر وان. اوعي تحس - [00:14:22](#)

انك انت ربنا علمك وبقيت عالم من علماء الدين اوعي تستغنى عن اخوك اوعي في يوم من الايام تحس انك تقدر توصل لربنا من غير ما يخوك اخوك يكون جنبك. اكبر خسارة في حياتك انك انت تخسر اخوك. ومن احيائها فكأنما - [00:14:45](#)

احيا الناس جميعا. المفسرين قالوا ده اللي اللي بينشر علم العلماء. يعني فرق العمل. يعني فرق العمل اللي بتنشر اللي بتمنتج اللي بتصمم اللي بينزل يشتغل اي واحد شغال في الدعوة. ربنا بيحبي به النفوس فكانما احيا الناس جميعا. يا بختكم يا اللي شغالين لدين ربنا سبحانه وتعالى - [00:15:00](#)

واحذرهم ان يفتنوك عن بعض ما انزل الله اليك. ربنا ما قالش واحذرهم ان يفتنوك عن الشريعة الاسلامية. بعد ما ربنا قال ومن لم يحكم بما انزل الله فاولئك الكافرون الفاسقون الظالمون شريعة ربنا دي مش قضية سهلة. ده والعياذ بالله رمي في جهنم لي ما بيطبقش شريعة ربنا. بعدها ربنا قال واحذرهم ان يفتنوا - [00:15:20](#)

عن بعض هو في الاول هيجي يخليك تقدم بعض تنازلات. لو بطلت دعوة بكرة هتبطل عبادته. لو آآ اتنازلت عن حجاب امهات

المؤمنين بكرة بكرة هتبيني خصلة من شعري. خدوا بالكم يا جماعة. الدين تنازلات. اللي بيقبل التنازل كل حاجة بعد كده بتبقى سهلة.

الشعار الاخير اللي بنختم به - [00:15:40](#)

لولا ينهاتهم الربانيون والاحبار. ابن عباس بيقول ده اشد عتاب في كتاب الله. ربنا بيقول لهم سكتوا ليه؟ ترى كثيرا منهم يسارعون في الاثم كل ما شفتهم المجتمع اتملى ربا واتملى رشوة واتملى تبرج واتملى شباب سهران على القهاوي واتملى مخدرات واتملى خمرة واتملى مواقع اباحية واتملى - [00:16:01](#)

الفساد واتملى لما شفتهم المجتمع بعيد عن ربنا سكتوا ليه؟ اخطر عتاب تسمعيه يوم القيامة. سكت ليه؟ سكت لولا ينهاتهم الربانيون الناس بتاعة ربنا سكتت ليه؟ اوعى تسكتي لان اشد عتاب هتتعجب به يوم القيامة ان ربنا يقول لك سكت ليه - [00:16:21](#)

لما كنت عارف ان دي حرام كانوا لا يتناهون عن منكر فعلوه شعار جبار في الجزء بقت عادي يشوف الحرام ويسكت. اوعى تركب في مواصلة وتلاقيه مشغل اغاني وتسكت. اوعى تلاقي صاحبك متبرجة وتسكتي. اوعى صاحبك يفتاب قدامك وتسكت. اوعى تشوف

الحرام - [00:16:41](#)

اسكت اوعى اوعى كانوا لا يتناهون عن منكر فعلوا كانت العقوبة. العاقبة لعن الذين كفروا. ربنا سماهم كده. ملعونين وكفروا. يعني غطوا على دين الله والعياذ بالله. وكان الشعار الاخير وحسبوا الا تكون فتنة - [00:17:01](#)

حزبه بعد ما سابوا الدين واتخلوا عن الدين ان مش هيبقى في عقوبة فتنة اي عقوبة وعذاب من الله. حسبوا بقى ان مش هيبقى في كورونا. مش هيبقى في الازمات الاقتصادية مش هيبقى في - [00:17:19](#)

تقفيل لابواب الرزق والشغل مش هيبقى فيه بطالة مش هيبقى فيه عزوزة. مش هيبقى فيه انفلونزا الخنازير وانفلونزا الطيور. مش هيبقى فيه حكام زلمة حسبوا الا تكونوا فتنة حسبوها غلط ما دام في معصية هينزل عقوبة في الدنيا قبل الاخرة. ياللا بقى اقروا

الجزء كويس وحضروا الجزء بتاع بكرة الجزء السابع ان شاء الله باذن الله - [00:17:29](#)

عشان الشعارات القرآنية اللي هيستفيد من الحلقة اللي محضر الجزء. اخطر طريقة للفوز شرح الجزء للي حضر الجزء قبل كده اللهم اجعل القرآن العظيم ربيع قلوبنا ونور صدورنا وجلاء احزاننا وذهاب همومنا اللهم امين - [00:17:49](#)